

Cacat tidak halang pelajar terima ijazah

SERDANG - Walaupun pergerakannya terbatas ekoran penyakit spino-cerebellar ataxia yang dialami, ia tidak meng-



UPM
UNIVERSITI PUTRA MALAYSIA
SERDANG, SELANGOR

halang Noor Sumaiyah Che Leh, 24, untuk menamatkan pengajian Ijazah Sarjana Muda Sains Komputer dan Multimedia di Universiti Putra Malaysia (UPM).

Kata anak jati Ipoh, Perak itu, penyakit yang menyebabkan bahagian belakang otaknya menggecut tidak pernah dijadikan alasan untuk berputus asa dan mengalah.

Katanya, walaupun segelintir pelajar menyindirnya ekoran kecacatan yang dialami, dia menjadikannya sebagai perangsang untuk terus mencipta kejayaan.

"Saya kuatkan tekad untuk rieneruskan pengajian dan kehidupan di kampus berkat sokongan pensyarah serta rakan-rakan yang memahami," katanya ketika ditemui pemberita

di sini semalam.

Noor Sumaiyah merupakan sebahagian daripada 7,149 graduan UPM pelbagai program pengajian yang mene-

rima ijazah dan diploma masing-masing pada Majlis Konvokesyen ke-37 UPM di sini.

Kecacatan yang mula dikesan selepas Noor Sumaiyah menamatkan Sijil Pelajaran Malaysia itu membuatnya sukar bergerak dan membataskan aktiviti seperti berjalan dan menulis.

Dalam pada itu, Pro Canselor UPM, Tan Sri Rozali Ismail berkata, graduan universiti tersebut perlu memperkukuh hubungan dengan para pemimpin bagi membentuk generasi pelapis yang cemerlang untuk negara.

Katanya, interaksi antara generasi pemimpin dan pelapis mampu melahirkan kestabilan mental, fizikal, emosi, personaliti dan perhubungan sosial yang positif.



NOOR SUMAIYAH (kanan) dicitum ibunya, Faridah Din pada Majlis Konvokesyen UPM ke-37 di Serdang, Selangor semalam.